

# ЯНГИ

# ЎЗБЕКИСТОН

Ижтимоий-сиёсий газета

№ 157 (157), 2020 йил 20 август, пайшанба

www.yuz.uz f yuz.uznews yuz\_official yuz.uz\_news



## СЕН – ҚУДРАТ МАНБАИ, САОДАТ МАСКАНИ, ЖОНАЖОН ЎЗБЕКИСТОНИМ!

### Инновация

## IT-ПАРКЛАР —

### РАҚАМЛИ ИҚТИСОДИЁТ ЛОКОМОТИВИ

Ахборот-коммуникация технологияларини ривожлантиришнинг муҳим шартли дастурий маҳсулот ва рақамли хизматларни тақдим этиш учун қулай шарт-шароит яратиш, уларни ички ҳамда ташқи бозорга олиб чиқиш, инновацион ишланмаларни рағбатлантиришдир.



Музаффар АБДУЛЛАЕВ олган сурат.

IT-парклар айнан шу мақсадга хизмат қилади — соҳадаги компанияларга истиқболли лойиҳаларни ишга тушириш, фаолиятини илм-фан ва таълим билан интегра-

циялаш, дастурий маҳсулотлар бозорига чиқишга кўмаклашади, гоёларни ҳақиқий имкониятга айлантиришга замин яратди. “Замонавий ақл марказлари” айни кун-

да минглаб стартаплар ва дастурчиларни жамлаш арафасида.

▶ Давоми 4-бетда

### Мустақиллигимизнинг 29 йиллигига

## МИЛЛИЙ ТАРАҚҚИЁТ ПОЙДЕВОРИ

Абдухалил МАВРУЛОВ,  
тарих фанлари доктори, профессор

Мустақиллик байрамини алоҳида шиор остида нишонлаш аънаёнага айланиб қолди. Шиорлар одатда бутун жамиятни, ижтимоий фикрни ўзида жамлагандагина фуқароларни ягона мақсад йўлида бирлаштириши ва янги зафарларга йўналтира олгандагина реал кучга айланиши мумкин. Шу маънода ҳар қандай шиор миллиятнинг манфаатига мос келиши лозим.

Бу йил мустақиллигимизнинг йигирма тўққиз йиллик муқаддас байрами “Сен — қудрат манбаи, саодат маскани, жонажон Ўзбекистоним!” деган эзгу гоё сингдирилган шиор остида нишонланади. Гоё, шубҳасиз, ўта жозибали, серқирра. У ҳар бир ўзбекистонлиқни руҳлантира олади. Айни пайтда мазкур шиор мамлакатимизнинг бугунги кундаги ҳолатига ҳам мос.

Мамлакатимиз ва халқимиз шу йилнинг бошида ўз олдига улкан мақсадлар қўйган эди. Бироқ Бухоро вилоятидаги қаттиқшамол, Сардобадаги сув тошқини, кейинчалик бутун дунёга тарқалган коронавирус инфекцияси март ойида юртимизга кириб келди-ю, барча режаларимиз ўзгариб кетди. Бугун тождор вирус Ўзбекистон халқини қийин синовдан ўтказмоқда. Таъкидлаш лозимки, бу қийинчиликлар олдида халқимиз довдираб қолмади. Аксинча, ана шундай оғир синовлар даврида жасорат, аҳиллик ва бирликнинг том маънодаги намунасини кўрсатди.

Бу бежиз эмас эди. Чунки халқимиз ўзоқ минг йилликлар даврида қанчадан-қанча қийинчиликлару оғир синовларни кўрмади, дейсиз! Айниқса, миллий мустақиллик, ўз озодлиги, ор-номуси йўлидаги курашлари бунга далилдир.

▶ Давоми 2-бетда

### Рақамли иқтисодиёт

## “ШАФФОФ ҚУРИЛИШ” АХБОРОТ ТИЗИМИ:

### ИМКОНИЯТ ВА КУТИЛАЁТГАН НАТИЖАЛАР

Маълумотларга кўра, архитектура ва қурилиш жараёнининг тўлиқ рақамлаштирилиши мамлакатимизда қурилишга рухсат беришни 254 кундан 84 кунга қисқартириш, ушбу жараёнлардаги тартиб-таомилларни 17 тадан 5 тага камайтириш, тадбиркорлар ва фуқароларнинг бу ишларга сарфланган вақтини 67 фоизгача қисқартириш имконини беради.

Вазирлар Маъжасининг 2020 йил 8 февралдаги “Ўзбекистон Республикаси Қурилиш вазирлигининг Қурилиш соҳасида ахборот-коммуникация технологияларини ривожлантириш маркази фаолиятини ташкил қилиш чора-тадбирлари тўғрисида”ги қарори билан ташкил этилган Қурилиш соҳасида АКТ-ни ривожлантириш маркази тегишли мутахассисликка эга малакали кадрлар билан тўлдирилди, моддий-техник базасини шакллантириш чоралари кўрилди.

▶ Давоми 2-бетда



Ҳасанин Йўлдошев олган сурат.

### Кун мавзуси

## ХОТИН-ҚИЗЛАР ТАДБИРКОРЛИГИНИ ҚўЛЛАБ-ҚУВВАТЛАШ — БУГУННИНГ ТАЛАБИ

Хотин-қизлар ўртасида тадбиркорликни ривожлантириш жаҳон миқёсида давом этаётган муҳим жараёнлардан бири ҳисобланади. Жумладан, кластер усулидаги аёллар бизнесига алоҳида эътибор бераётган мамлакатларда кичик ва ўрта бизнеснинг ЯИМдаги улуши сезиларли даражада ортмоқда.

Мутахассислар фикрича, айнан хотин-қизлар тадбиркорлигини ривожлантириш орқали жаҳон яппи ички маҳсулотини икки баробар ошириш мумкин. Boston Consulting Group компанияси экспертлари ҳам шундай хулосага келдилар.



Ҳасанин Йўлдошев олган сурат.

▶ Давоми 3-бетда

## Ўзбекистон Республикаси Президенти Шавкат Мирзиёев 14 август куни туризм салоҳиятини кенгайтиришга доир лойиҳалар тақдироти билан танишди

КОРОНАВИРУС ПАНДЕМИЯСИ ТУФАЙЛИ ХАЛҚАРО ҚАТНОВЛАР ТЎХТАБ, ТРАНСПОРТЛАР ҲАРАКАТИ ЧЕКЛАНГАНИ БУТУН ДУНЁДА, ШУ ЖУМЛАДАН, ЎЗБЕКИСТОНДА ҲАМ ТУРИЗМ СОҲАСИГА ЗАРАР КЕЛТИРДИ.

Мамлакатимизда 1 минг 500 дан ортиқ туроператор, 1 минг 200 та меҳмонхонанинг фаолияти тўхтаб қолди. Бу вазият соҳага алоқадор савдо, хунармандчилик, транспорт, умумий овқатланиш ва бошқа хизмат кўрсатиш тармоқларида минглаб одамларнинг бандлиги ва даромадига салбий таъсир кўрсатди.

Маълумотларга кўра, ҳар йили юртдошларимиз чет элда дам олиш учун 1 миллиард 200 миллион доллар атрофида маблағ сарфламоқда. Бунинг асосий сабабларидан бири Ўзбекистонда барча талабларга жавоб берадиган замонавий туристик мажмуалар сони кам.

Давлатимиз раҳбари тақдирот давомида Бўстонлиқ туманида яқин йилларда фойдаланишга топширилаётган лойиҳалар мажмуаси билан танишиб, уларни такомиллаштириш бўйича таклифларини берди.

Бўстонлиқ тумани, хусусан, Чорвоқ сув омбори атрофидаги қишлоқларда янги дам олиш масканлари қурилади. Бу билан шу ерда яшаётган аҳолини иш билан таъминлаш мақсади ҳам кўзланган.

“Билдирсой-Чимён-Нанай” халқаро курортни ташкил этиш лойиҳаси улардан бири. Унинг концепцияси ва иқтисодий модели Франция компаниялари консорциуми томонидан FASEP фондининг 750 минг евро миқдоридagi грант маблағлари ҳисобига ишлаб чиқилган.

Тақдиротда кейинги икки йилда сайёҳлик ўринлари ва хизмат турларини кўпайтириш натижасида ҳудуднинг туризм салоҳиятини 2 баробар орттириш таъминлаш вазифаси қўйилди.

Лойиҳа 3 босқичдан иборат бўлиб, биринчи босқичда Чимён ҳудудига умуммавсумий курорт ташкил этиш кўзда тутилган. Франциянинг 48 миллион евро миқдоридagi имтиёзли кредити эвазига туристик инфратузилмани ривожлантириш, жумладан, осма йўлақлар, чанги учуш ускуналари ва аттракционлар келтириб ўрнатиш режалаштирилган. Бунинг натижасида тоғ-чанги туризми оммалашади, маҳаллий ва хорижий сайёҳлар учун замонавий шароитлар яратилади, тадбиркорлик ривожланади. Лойиҳанинг биринчи босқичини 2021 йил декабрь ойида ишга тушириш режалаштирилган.











